

# Folkhögskola

Po Folkhögskolan zhal jekh sikjarimos savo si inkerdo pala kodja so trebul le studentos, lesko zhanimos, haj so sikjilas ando trajo. O sikjarimos pe jekh Folkhögskola si bi pokjinomasko. Pe sa le Folkhögskolura shaj les cho examino ...

*... LA SKOLAKO (GYMNAZIAKO) HAJ SHAJ LES TUKE O PINZHARIMOS KAJ SHAJ SIKJOS PE LE MAJ HUCHE SKOLI (SAR O UNIVERSITETO). LE FOLKHÖGSKOLURA TORDJON PE PHENGO VAST KORKORI HAJ SOSKO SIKJARIMOS (KURS) SI LEN PHARRUDJOL SKOLA SKOLATHAR.*

## Le normalni kursura (Allmän kurs)

Si buth falura kursura (kurs) kaj shaj sikjonpe pe le Folkhögskolura. O maj normalo bushol (Allmän kurs/Behörighetsgivande kurs), savo shaj sikjos pe sa le Folkhögskolura. Pe le normalni kursura (Allmän kurs) shaj ginaves haj sikjos so si pe angluni skola haj shaj les pinzharimos gymnaziako haj les chachipe te rodes sikjarimos po universiteto. Tu kothe sikjos pasha kavere bukjande Svedicka, Anglezhicka, matematika haj pa trajo ande luma (samhällskunskap). Tu chi les betygo kana sikjos po Allmän kurs, ande le betygesko than len le stundentura jekh pinzharimos po sikjarimos (studieomdöme) savi si specialno le Folkhögskolenge.

## Specialni kursura (Profilkurser)

Po Folkhögskolan shaj vi sikjos specialni kursura save si (Profilkurser), kothes haj zhas maj andre ande jekh sikjarimos maj zurales savi si tuke drago. Jekh Profilkurs shaj avel na primer pe muzika, e media, kulturake bukja sar o makipe, teatro haj shib. Pe kadala

kursura chi les pinzharimos haj vi chi les studieomdöme.

## Bukjake kursura (Yrkesutbildningar)

Si dazhe kursura bukjange save bushon (yrkesutbildningar) pe e Folkhögskola. Kam kames te aves zhurnalista, sloboda vramako sikjari, samitori le drabbareng/macharnenge vaj thena personalono azhutori. Le kursura pe le yrkesutbildningar shaj aven lungi save si pe le Folkhögskolura kruglom o them.

## Sikjarimos de dural haj kothe sojindo (Internat och distans)

Pel buth Folkhögskolura si than le studentonge kaj shaj vi soven thela e vrama le sikjarimaski. Si tuke pharo te aves kaj jekh Folkhögskola? Cho trebul kado te avel variso ande cho drom. Si sikjarimatha save shaj les de dural kaj bushon (distanskurser) save shaj les bi te aves po than ande Folkhögskola.

## Pokjin, linipe haj lovengo azhutimos (Kostnader, antagningsvillkor och studiestöd)

Po sikjarimos le Folkhögskolako naj pokjin, de pe le knjishki haj kaver materialo kaj trebul po sikjarimos pochines te gethos cho kurso (kurs). Jekh kothor anda le Folkhögskolura lel vi jekh pokjin xabeski po lunchi, savo si musaj te pokjines. Beshes tu pe jekh skola thela e vrama sikjimaski pokjines tu vi sojimaski haj xabeski pokjin. Pokjin shaj vi avel pel droma kaj sa ingerdo pe chirro sikjimos.

Ferkon kaj si opral le 18 bersh shaj sikjol pe e Folkhögskola. Tu shaj vi hunjivar vi sikjos kana inke chi pherrdan chirre 18 bersh. Te shaj avel kadja trebul chirri kommuna te pokjinel cho than.


O sikjarimos pe le Folkhögskolura lelpe ande Svedicko shib. Te shaj sikjos pe e Folkhögskola trebul maj cera o sikjimos po Svenska för invandrare (SFI) po angluno etazho vaj thena te avel sa kodo zhanimos. Si vi kursura (kurser) themareng save zhanen feri jekh cera Svedicka. Te zhanesa dosta Svedicka shaj sikjos neki le Allmän kurs vaj le Profilkurs.

Sar studento pe jekh Folkhögskola tu shaj les lovengo azhtumos kathat o Centrala studiestödsnämnden, CSN.

## www.folkhogskola.nu

Pe le Internetoski rig [www.folkhogskola.nu](http://www.folkhogskola.nu) arakes tu informacia pa sa le Svedoske Folkhögskolura haj lenge kursura (Kurser).

Naj chi sosko centralno linimos pe le Folkhögskolura. Sako Folkhögskola korkori lel e decizia po linimos ande peski skola haj si sakona lako blanketo te rodes te aves andre (ansökningsblankett) savo pherres kana rodes andre te aves. Kal le maj buth Folkhögskolura si lenge Internetoske riga kaj tu shaj rodes neki te des andre pe lenge kursura (Kurser). Tu shaj arakes lenge riga pherdal o [folkhogskola.nu](http://folkhogskola.nu).



PE LE INTERNETOSKI RIG  
WWW.FOLKHOGSKOLA.NU  
ARAKES TU INFORMACIA  
PA SA LE SVEDOSKE  
FOLKHOGSKOLURA HAJ  
LENGE KURSURA

### Informacia grundoski (Bakgrundsfakta)

E Folhögskola si jekh skolaki forma savi si ando Svedo opral le 100 bersh. Si 150 Folkhögskolura ando Svedo. Karing 110 anda kadala si phangle kej le manushenge mishkimatha haj vollontarni organizaciji. Karing 40 Folkhögskolura si phirrade kathar le landstingura haj le regioni.

Le Folkhögskolura si pokjinde pherdal o azhutmos le themestar haj o landstingo. Kaj o regeringo si kado systemo te shaj lelpe lovengo azhutimos pe sikjarimos le manushengo (folkbildning):

- Azhutimos kaj e bukji savi zurarel haj phirrael e demokracia.
- Azhutimos kaj del shajimos le manushen te phurruven phengo trajo haj te len partja ando manushipe (sar na primer ande politika, unji, kulturako vaj vollontarno mishkimos).
- Azhutmis kaj vortjarel o kaverimos mashkar le manushengo zhanimos ande o sikjarimos haj zurarel o sikjimos mashkar le manush.
- Azhutimos te barol o intereso te len patjia ande kulturako trajo.